



PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	Berita Harian
Date	18/06/2012



NAJIB bersama Ketua Menteri Sabah, Datuk Seri Musa Aman mengunjungi Rumah Besar Orang Kaya-Kaya Sedomon OKK Gunsanad yang menjadi lokasi pertemuan penubuhan Malaysia pada 1963, di Bingkor, semalam.

PM ulangi sejarah ayahanda

KENINGAU: Datuk Seri Najib Razak semalam mengulangi sejarah ayahandanya dengan mengunjungi Rumah Besar Orang Kaya-Kaya (OKK) Sedomon OKK Gunsanad, pemimpin Dusun Murut berpengaruh di pedalaman di pekan Bingkor, dekat sini.

Lawatan Perdana Menteri ke pekan itu adalah sempena lawatan dua hari ke daerah ini. Kira-kira 49 tahun lalu, Allahyarham Tun Abdul Razak Hussein pernah menjejak ka-

ki ke Bingkor untuk berunding mengenai penubuhan Malaysia dengan penduduk di pedalaman.

Pada 1963 itu, Allahyarham Tun Abdul Razak mengadakan rundingan dengan OKK Sedomon, yang juga abang kepada bekas Timbalan Ketua Menteri Sabah, Datuk G S Sudang, di rumah itu bagi mendapatkan sokongan mendiang serta penduduk pedalaman keseluruhannya bagi menyokong penubuhan Malaysia.

Selain menyimpan sejarah berharga mengenai penubuhan Malaysia, rumah berkenaan juga terkenal kerana pernah dikunjungi pemimpin penting termasuk Perdana Menteri pertama, Tunku Abdul Rahman Putra dan bekas Gabenor British Borneo Utara, William Goode.

Rumah dibina pada 1937 itu juga pernah dijadikan markas sementara tentera Jepun pada Perang Dunia Kedua dari 1942 hingga 1945.